



Republika e Kosovës
Republika Kosova- Kosova Cumhuriyeti
Kuvendi i Komunës



Komuna e Prizrenit
Opština Prizren – Prizren Belediyesi

PROCESVERBAL

Nga mbledhja e Jashtëzakonshme e Kuvendit të Komunës së Prizrenit.

Datë: 23 janar 2026.

Ora: 10:00.

Vendi: Salla për mbajtjen e mbledhjeve të Kuvendit të Komunës në “Shtëpinë e Bardhë” - Prizren.

Në mbledhje morën pjesë këta anëtarë të Kuvendit të Komunës: Simir Krasniqi – Kryesues, Adem Shabanaj, Adrit Krasniqi, Agim Muqaj, Agnesa Sinanaj Gavazaj, Alban Bislimaj, Albulena Balaj Halimaj, Arianit Berisha, Bajram Kastrati, Dafina Alishani, Daut Panikaj, Dea Gavazaj, Drita Qenaj, Dzenqis Saliji, Eldis Abazi, Endrit Zogaj, Haziz Hodaj, Ilir Gashi, Karanfil Haxhillari, Mergiton Gavazaj, Mimoza Memaj, Nazife Kokollari, Nerimane Pllana Gashi, Petrit Hoxhaj, Qemal Krasniqi, Sefidin Islamaj, Selman Sokolaj, Sevil Kazazi, Sevilya Igci Hapçi, Shqipe Shatri Çoçaj, Shukri Quni, Sulltan Badalli, Tefik Tarashaj, Trëndelina Kastrati, Ymran Fusha, Zikreta Aliti.

Munguan: Driton Sallauka, Zgjim Kryeziu, Liridona Veçgishti, Astrit Temaj.

Pjesëmarrës të tjerë ishin: Kryetari i Komunës z. Shaqir Totaj, Nënkryetari i Komunës z. Kujtim Gashi, Nënkryetari i Komunës për Komunitete z. Furkan Bütüçi, drejtorët e Drejtorive komunale, zyrtarë komunal, përfaqësues të shoqërisë civile si dhe përfaqësues të medimeve.

Mbledhjen e hapi dhe kryesoi z. Simir Krasniqi, Kryesues i Kuvendit të Komunës së Prizrenit, ku dhe i përshëndeti të gjithë të pranishmit.

Simir Krasniqi (Kryesues): Që jeni gati, fillojmë. Përshëndetje i nderuar kryetar i komunës zoti Shaqir Totaj, i nderuar nënkryetar Gashi, i nderuar nënkryetar për komunitete, zoti Butuç, përfaqësues të mediave, shoqërisë civile, të nderuar drejtor. I urojmë edhe pozitën drejtorit të ekonomisë dhe financave Levent Bushit. Urojmë suksese drejtor dhe punë të mbarë. Për sot, siç jeni njoftuar me kohë, kemi thirrur mbledhjen e jashtëzakonshme të kuvendit të komunës, bazuar në kërkesën e kryetarit të komunës. Të pranishëm jemi 33 anëtarë të kuvendit. Konstatojmë se kemi kuorum për me i vazhduar punimet e seancës. Para se të fillojmë me rendin e ditës që e kemi që e kemi për në këtë seancë ju informoj se zoti Florent Ukaj ka dhënë dorëheqjen nga anëtar i Kuvendit komunal. KQZ-ja ka marrë vendim për zëvendësimin e tij. Konsideroj që anëtar i ri i Kuvendit është prezent në sallë dhe pa humbur kohë do ta lexoj vendimin e KQZ-së dhe pastaj ftoj anëtarin e ri të Kuvendit që të bëjë betimin solemn para anëtarëve të Kuvendit. Në bazë të vendimit të KQZ-së me numër 01/75-2026 të datës 16.01.2026 për emërimin e anëtarit të kuvendit komunal zoti Bajram Kastrati emërohet anëtar i kuvendit komunal nga LDK-ja, duke e zëvendësuar zotin Florent Ukaj. Ftoj Bajram Kastrati të ngrihet në këmbë për dhënien e betimit dhe nënshkrimin e deklaratës së betimit. Betimi lexohet pjesë-pjesë nga unë, kryesuesi i kuvendit dhe përsëritet nga ju.

Bajram Kastrati: Unë, _____, “betohem (ose deklaroj solemnisht) se do t’i kryej me nder, besnikëri, pa anime e me ndërgjegje dhe sipas ligjit detyrat dhe do t’i ushtroj autorizimet e mijë si anëtar i Kuvendit të Komunës së Prizrenit, në mënyrë që të sigurohen kushte për jetë të qetë për të gjithë”.

Simir Krasniqi (Kryesues): Urime pra Bajram. Atëherë pra siç ju informova dhe më herët për sot kemi thirrur mbledhjen e jashtëzakonshme të Kuvendit të Komunës bazuar në kërkesën e Kryetarit të Komunës, me një pikë të vetme të rendit të ditës. Dhe kjo është:

Shqyrtimi dhe miratimi i propozim buxhetit të Komunës së Prizrenit për vitin 2026 dhe parashikimet për vitin 2027 dhe 2028.

Paraprakisht kjo pikë është shqyrtuar nga Komiteti për Politikë dhe Financa, rekomandimet nga Komiteti për Politikë dhe Financa i keni pranuar përmes e-mailit dhe në kopje fizike të gjithë kuvendarët këtu që jeni prezent. Atëherë, fillimisht ja japim fjalën drejtorit për ekonomi dhe financa. Për ju fjala, drejtor.

Levent Bus (Drejtor i Financave): I nderuar Kryetar i Komunës e Prizrenit, zoti Shaqir Totaj, i nderuar Kryesues, Nënkryetarët, të nderuar anëtarë të Kuvendit, kolegë drejtor, OJQ-të dhe ju mediat. Sot në rendit e ditës kemi shqyrtim të miratimit propozimit buxhetit të Komunës së Prizrenit për vitin 2026, si dhe parashikimet buxhetore për 2027 dhe 2028. Ky është një dokument me rëndësi të veçantë pasi përcakton drejtimet kryesore të zhvillimit ekonomik, social, institucional të Komunës sonë për vitet në vijim. Propozim buxheti është hartuar në përputhje me legjislacionin në fuqi, me prioritete strategjike të komunës dhe duke marrë parasysh nevojat reale të qytetarëve tonë. Ai synon në menaxhim të përgjithshëm të mjeteve publike, rritje të

transparencës, si dhe mbështetje të qëndrueshme për sektor kyç si arsimi, shëndetësia, infrastruktura, shërbime publike, administrative, shërbime sociale. Parashikimet për vitin 2027 dhe 2028 na japin pasqyrë të qartë për planifikimin afatmesëm dhe na ndihmojnë të sigurojmë vazhdimësi të projektit zhvillimor dhe stabilitet financiar për komunën tonë. Struktura e buxhetit për vitin 2026 është parapa kështu. Pagat me ditje 31.875.952 euro, mallrat e shërbimeve 14.500.234 euro, shpenzime komunale 1.069.493 euro, subvencione 5.521.785 euro, investime kapitale 22.577.849 euro. Kështu që me përqindje pagat në mediti i kemi 40.81%, mallrat e shërbimeveve 19.32%, shpenzime komunale i kemi 1.43%, subvencione për sivjet i kemi 7.36% dhe investime kapitale i kemi 30.09%. Totali e buxhetit është parapa për vitin e 2026, 75.043.313 euro. Për sqarim më të detajuar që keni ndonjë pyetje, prezent është edhe zyrtari kryesor financiar, zoti Lulzim Sulejmani, kështu që po besoj që ky buxheti për 2026, anëtarë të Kuvendit votoni edhe vazhdojmë më tytje me punë për të mirën e Prizrenit. Faleminderit.

Simir Krasniqi (Kryesues): Faleminderit drejtor. Ja japim fjalën shefavëve të grupeve parlamentare të përfaqësuara këtu në kuvend. Së pari pra, shefi i grupit parlamentar nga Partia Demokratike e Kosovës, Arianit Berisha.

Arianit Berisha (PDK): I nderuar kryetar, të nderuar drejtor, të nderuar kolegë kuvendarë, përshëndetje të gjithëve. Thirrja ime si shefi i grupit parlamentar të Partisë Demokratike të Kosovës është që ta votojmë këtë buxhet. Ndoshta nuk është ky buxheti i hartuar më i miri që do të ekzistonte, por padyshim që është buxheti më i mirë i mundshëm duke parë parasysh rrethanat në të cilat është hartuar, duke parë parasysh ndërhyrjet që janë bërë gjatë vitit të kaluar nga detyrimet pra nga kontrata kolektive, borxhet, ta kemi parasysh që në këtë buxhet janë të përfshirë pothuajse çdo cep i Prizrenit, ka projekte të domosdoshme për jetën e qytetarëve e po besoj që këtu të gjithë jemi për me i shërby atyre, prandaj thirrja ime është që ta kalojmë këtë buxhet. Faleminderit.

Simir Krasniqi (Kryesues): Faleminderit Arianit. Fjalën e ka shefja e grupit parlamentar nga Lëvizja Vetëvendosje Dafina Alishani.

Dafina Alishani (LVV): Faleminderit kryesues, i përshëndes të gjithë anëtarët. Unë edhe në Komitetin për Politikë dhe Financa e përsërita edhe për hir të korrektësisë ndaj qytetarëve dhe informimit ndaj qytetarëve. Konfirmimin ligjor nga MAPL, a e kemi për Komitetin për Politikë dhe Financa dhe Komitetin për Komunitete. Këtë e kërkova me shkrim, por ju u deklaruat që keni pasur kontakt me MAPL-në dhe keni pasur aprovim vetëm me gojë, por jo asesi me shkrim dhe duhet të presim afatet ligjore. Sa i përket komenteve lidhur me këtë buxhet, unë mendoj si grupi i Lëvizjes Vetëvendosje ne mendojmë që ky buxhet nuk e përfshin edhe nuk ka gjithëpërfshirje i krejt qytetit të Prizrenit. Është një fontanë dëshirash e këtij pushteti. Ne jemi të vetëdijshëm se si ka shkuar ky pushtet mandatin e kaluar dhe ky buxhet tregon edhe nijetin e këtij pushteti se si do të vazhdoj. Janë disa linja buxhetore të cilët janë vendosur aty, por pa mbulesë financiare vetëm e vetëm me pas emërimet dhe me pasur një përkrahje nga anëtarë të caktuar të cilët vijnë nga ato lokalitete. Po ashtu në komitet unë kam kërkuar edhe borxhin total të komunës së Prizrenit. Nga zyrtari i financave u informohem që borxhi total është vetëm 9 milionë euro. Uroj që kjo është e

vërtetë edhe uroj që kjo është e saktë. Po ashtu, duke marrë parasysh që ka dhe shumë buxhet të cilët po shkojnë përmes përmbarimeve, qoftë me kontratë kolektive, qoftë përmes papërgjegjësive edhe të ministrisë apo vonesave të pagesave që është si rrjedhojë e këtyre kontratave kolektive. Mendoj që ky buxhet do të jetë prapë i mangët në aspekt të planifikimit, sepse ne po planifikojmë këtu buxhete të tërësishme të linjave të ndryshme, më pas kjo qeverisje pastaj nuk do të ketë aftësi me menaxhu për shkak që nuk është planifikuar edhe ashtu si është e duhur. Çështja tjetër që duhet dua ta ngrisë si shqetësim është kjo. Ju në seancën e kaluar të gjithë ju drejtorat nuk ishit të gatshëm as me u përgjigj në pyetje. Po dua me ditë a keni pasur ndonjë input në këtë buxhet apo vetëm i merrni buxhetin e drejtorave të kaluar, linjat e drejtorave të kaluar dhe a jeni të vetëdijshëm që jeni duke marrë një përgjegjësi dhe një barrë goxha të madhe? A ju ka pyetur dikush me thënë a ja del ose çfarë prioriteti ke ti si drejtor në drejtorinë tënde, pak a shumë, ju e dini çfarë mangësi kanë drejtoritë? I dini çfarë linja buxhetore kanë qenë të planifikuara dhe nuk janë realizuar? Pastaj ju do të jeni ata përgjegjësit. Unë ju apeloj mbas një viti ju do të jeni ata të cilët do të kritikoheni që nuk keni mundur as me realizuar ose kanë mbetur suficit, ose nuk kanë mundur me u shpenzuar, sepse ky buxhet nuk është aspak real me kërkesat, me nevojat e qytetit edhe me mirëqenien e qytetarëve. Unë këtu po shoh shumë projekte të reja, të cilat pra po them që janë vendosur vetëm sa për sy e faqe. Ka ndërtim të qendrës kulturore, ju shumë mirë po ndërtoni objekte, po më pas a keni kode buxhetore ku mund t'i punësoni njerëzit në ato ndërtime të cilat po bëhen. Pastaj janë kode buxhetore shumë të përgjithësuara. Në secilën seancë ku diskutohet buxheti, kërkesën që ju bëjmë juve është a ka mundësi me i specifiku investimet? Këtu thotë ndërtimi i parqeve, ku janë ato parqe? Secili asambleist këtu duhet me pas parasysh këtë informatë që me ju monitoru juve dhe me kërkuar përgjegjësi nga secili prej juve që këtu e keni paraqitur si linje buxhetore. Po ashtu po e shohim që si prioritet qysh e keni pasur si qeverisje e kaluar me ble vetura, prap po e shoh që e keni parapa blerjen e veturave, ku i ke biçikletat kryetar? Pse s'po i mëson këta ekzekutivin me dalë me biçikletë, apo vetëm e ke për reklamë? Shtigjet për biçikleta është e vendosur këtu si projekt i ri edhe është i ndamë zero euro. Kjo tregon për këtë qeverisje. Kjo tregon për këtë makiazhin që e bën, për këtë Piarin-in që e bën ky kryetar, i cili thuhet që vjen me biçikletë, e parkon veturën midis qendrës. Ndërtimi i infrastrukturës në parkun ekonomik Lubizhd, 50.000 euro. A e di dikush me më tregu, çka mundemi me bë me 50.000 euro për zonën ekonomike? Për besë mo boz jemi bë edhe me biznese. Marre është më me diskutu zonën ekonomike ose me nda buxhete kaq të vogla. Kjo është mos seriozitet ndaj secilit biznes në Prizren. Ishte dasht, mbas këtij mandati, kjo qeverisje me urgjencë, me mbajtë një mbledhje dhe me pa se qysh mundemi me aktivizu këtë zonë ekonomike. Me 50.000 euro, sot i informoj të gjithë bizneset që ky kjo zonë ekonomike, ky park i biznesit nuk aktivizohet. Andaj ju informoj që kjo qeverisje nuk e ka prioritet aktivizimin e zonës ekonomike. Këto le ta dinë secili qytetar. Tanë vitin ne e kemi arsytuar për për teleferikun, sot e shohim që ndërtimi i teleferikut në Kala ka vetëm 10.000 euro të ndara. A mund të na tregoni me 10.000 euro çfarë teleferiku parashihni me bë? Apo kryetari si sportist nuk e ka problem, thotë unë edhe me 10.000 euro e bëj ose eci për në Kala, po vetëm e vendos aty sa me i thënë qytetarëve që unë dua me realizuar projektin. Mendoj që edhe kjo nguti me seancë të jashtëzakonshme nuk është mirë as për kuvendart. Ishte dashur me pasur edhe një seancë ku

diskutohet prej prej secilit ë kuvendar, kërkesat e secilit kuvendar, sepse këtu i keni kuvendarët e rinj. Propozimet që ju arsyetoni me dëgjime publike ose me diskutimet që janë bërë në qeverisjen e kaluar, nuk kanë asnjë zë të asnjë asamblesit këtu, i kanë të vjetrit ndoshta, por ne kemi këtu shumë të rinj. Propozoj që ta keni një diskutim me kuvendin, qoftë me bë një dëgjim publik, qoftë me pasur kërkesa prej asambleistëve të cilët kanë dëshirë t'i japin, të diskutohet, të shterohet komplet diskutimi për buxhet, të bëhet një buxhet gjithëpërfshirës dhe pastaj ta sjellim në votim. Kjo nguti është tejet shqetësuese. Faleminderit.

Simir Krasniqi (Kryesues): Faleminderit Dafin. Vazhdojmë me shefin e grupit të Lidhjes Demokratike të Kosovës. Fjala për ju.

Haziz Hodaj (LDK): Ndoshta keni ndëgjuar çka ju thashë, ju përshëndeta! Ju përshëndes edhe drejtorët, anëtarët e kuvendit sigurisht, mediat këtu që po na përcjell me shumë vëmendje punën tonë. Unë edhe në seancën e kaluar e tërhoqa një vërejtje rreth hartimit të buxhetit. Realisht do të duhej me u konsultuar me të gjithë drejtorat që në fund të vitit, mos me na thënë drejtorët nuk kemi mundur me e realizuar sepse ka qenë një buxhet i aprovuar prej dikujt tjetër. Mirëpo, duke i marrë parasysh afatet që jemi në në fund të çdo afati për aprovimin të buxhetit. Ky buxhet do duhej me u aprovuar që në shtator të vitit të kaluar, mirëpo për shkaqe të njohura nuk ështëë aprovuar dhe na është lënë neve ta votojmë, ta miratojmë. E thashë edhe në Komitetin për Politikë e Financa, ka shumë mangësi, lënë për t'u dëshiruar si buxhet. Aq më tepër kur u informuam se në vitin e kaluar janë marrë nga përmbaruesi mbi 13 milionë euro dhe në anën tjetër ka borxhe komuna mbi 9 milionë euro për kompanitë të cilat kanë kryer ose janë në kryerje të të punimeve. Realisht ne këtë vit nuk kemi buxhet dhe është dëshpruese që duhet të informojmë qytetarët se pak projekte apo hiç kanë me u realizuar brenda këtij viti, sepse kemi obligime nga viti i kaluar. Gjithsesi, ne do duhej apo duhet me hyrë prapë borxh në mënyrë që me evituar atë zbrazëtinë që e lënë ky buxhet këtë vit, mirëpo kjo mandej mbetet barrë edhe për buxhetin e vitit të ardhshëm. Thashë, jemi në afatet e fundit dhe sigurisht që duhet, ne e votojmë buxhetin për mos me blloku punën e ekzekutivit që ajo të vazhdojë në ecurinë e vet. Por mbasi jam këtu, kam edhe një kërkesë konkrete që do t'i lusja anëtarët e kuvendit ta votojnë, bëhet fjalë për një pozicion buxhetor të ri për hartimin e një projekti apo komosacion të mbi 100 hektarë tokë të bllokuara në Gjonaj kaher, është biseduar, kam biseduar edhe me autoritetet e hershme të komunës edhe në kohën e qeverisjes nga Vetëvendosja edhe nga legjislacioni i fundit nga kryetari Totaj. Mirëpo për mungesë të angazhimit apo edhe të mjeteve ka mbetur deri tani. Kështu që po kërkoj që këtë vit të bëhet hartimi i këtij projekti, komosacioni në fakt, i 100 hektarëve tokë, të zhblokohen, sepse ka shumë nevojë, ka mbetur e bllokuar gjithë ajo hapësirë dhe njerëzit kanë nevojë edhe për troje, edhe për qasje në ato parcela. Unë i kam thirrur edhe qytetarët, edhe pronarët e asaj pjese që të jenë të disiplinuar dhe të japin kontributin e vet rreth hartimit të këtij projekti nesër, sepse bëhet fjalë për një pjesë e cila po shpresojmë që nesër do të jetë një lagje moderne dhe një rrugë alternative e fshatit Gjonaj, sepse ajo është më e madhi dhe ka, sigurisht që ka probleme rreth qarkullimit, rreth hyrjes edhe daljes. Mu tha se komuna ka një kontratë, me kompani konsulente për hartimin e projekteve, megjithatë me këmbëngulje po kërkoj një kod buxhetor, sepse është më obligativ dhe mund të realizohet

brenda këtij viti. Nuk do të duhej me qenë simbolik, minimumi 50.000 euro me i parapa që ky projekt të të finalizohet. Faleminderit.

Simir Krasniqi (Kryesues): Faleminderit. Fjalën e ka shefi i grupit nga Bashkimi Demokratik Shukri Quni.

Shukri Quni (BDP): Faleminderit kryesues, përshëndetje kryetar, kolegë kuvendarë, pranishëm, drejtorë, të nderuar qytetarë Prizrenit. Nëse dhe kemi këtë mbledhje të jashtëzakonshme, që s'ka qenë dashur me u bë e jashtëzakonshme, kjo ka qenë dashur me u kryer në shtator të 2025-ës. Po arsyet pse nuk është kryer aty i dini ju se më në fund ata kuvendarë që i kishit blerë ju lanë në baltë. Domethënë nuk ja mbajtën premtimin. E këtu tash kemi një ngarkesë për kuvendarët e rinj që s'kanë domethënë këta as aspak faj, por edhe drejtorët të cilët janë emëruar dhe këta nuk janë domethënë fajtorë për këtë. Se u dashtë me u ballafaqu me problemet të cilat po mendoj me kërkesat e qytetarëve në muajin shtator kur kishim votuar buxhetin për 2027. Dhe kjo nuk është barrë e tyre. Andaj, ky buxhet po shihet që ka shumë mangësi. Ka mangësi se nuk janë hyrë aty edhe ato kërkesat e qytetarëve që janë bërë nëpër debate, nëpër debate publike me qytetarët, e kam fjalën. Edhe është goxha një buxhet që është që anon vetëm nga elektorati juaj edhe nga njerëzit të cilët i keni simpatizantë të partisë. Domethënë në këtë buxhet fare nuk janë hyrë ose nuk janë marrë parasysh debatet që janë organizuar 2025. Këtu u tha që janë përfshirë të gjitha. Jo, nuk janë përfshirë të gjitha. Sepse kemi fshatra të cilat as nuk figurojnë në këtë projekt buxhet. Fshati Mazrek nuk figuron fare. Fshati Kujush poashtu. Planea po ashtu, Grozhupi figuron për riparimin e shkollës, po ajo është kryer 2025, se nuk e di pse është futur në 2026-ën ajo. Domethënë këto fshatra fare nuk janë parapa me infrastrukturë, kanalizime, ndërtim të rrugëve, trotuar, ndriçim publik, mure mbrojtëse, rrugë fushore e kështu me radhë. Edhe për këtë, nuk është mirë me thënë që është hartuar një projekt buxhet edhe i ka përfshirë të gjitha fshatrat e komunës Prizrenit. Se veç mundeni me i këqyr ju aty a figurojnë këta fshatra. Është fjala 2026, 2027 dhe 2028. Për tri vite është në pyetje. Bile në Planej është një rrugë, është rruga kryesore që shkon për në Gorozhup tash edhe për Shqipëri, bash te varrezat aty është shembur ajo rrugë. Drejtor veç kur të dëgjojmë ndonjë ditë që ka fluturuar dikush poshtë, aty ka nevojë për një mur mbrojtës, janë bërë shumë herë kërkesa për atë mur mbrojtës edhe nuk janë marrë parasysh fare. Pastaj janë futur disa kode, disa projekte të cilat nuk di çfarë të mire kanë qytetarët për to. Është një projekt nuk ka fare kod, për vitin 2026 janë ndarë 700.000 euro. Për vitin 2027, 800.000 euro, për vitin 2028, 1.000.000. Sa i bjen tash, sa munda me llogarit tash unë këtu? Domethënë, diku mbi 2 milion e gjysmë sa i ra. Është për rehabilitimin e kanalizimit edhe për ujësjellës nëpër pjesë kryesore të qytetit. Unë sa e di që këto i ka detyrë me i kryer hidroregjioni jugor, përçka me ju dhënë mjetet atyre. Miliona me u nda për ta. Kur ata e kanë për detyrë se i marrin mjetet ata. Prej qytetarëve, sepse qytetarët i garanton ujë. Plus merr edhe taksën aty për kanalizim kur e bëjnë pagesën e ujit. Ku shkojnë ato mjetet? S'ka nevojë ne me nda këtu prej kuvendit mjete të tilla. Janë parapaku këtu, domethënë këto renovimet, rehabilitimet e kanalizimeve, ujësjellëseve. A unë e kam bërë një kërkesë për Nashec me u heq gypi i azbesit. Gypi i azbesit është dikun prej viteve 1972 në Nashec. Nuk është në gjendje me e vendos hidroregjioni një gyp, tani si janë këto plastike, sa çfarë janë këto gypa, me

u heq gypi i azbesit. Atëherë mjetet nuk ka nevojë me ju nda, se kanë mjete ata. Pastaj është një kod në Grazhdanik 200.000 euro. Po është vetëm për ndërtim domethënë për kanalizim edhe për për rrugë. Unë kërkesën e kam bërë, se unë jam kryetar i bashkësisë lokale atje, edhe për ndriçim publik, edhe për trotuar, edhe për mure mbrojtëse. Pastaj, një kërkesë që s'di sa herë në këtë kuvend e kam ripërsërit. Rregullimi i projektit për impiantin në fshatin Nashec. Mbi 50% të ujërave të zeza derdhen në fshatin Nashec, në Dri të Bardhë del. Sa emisione, sa televizionet, sa shkrimet janë bërë, kurrë nuk është marrë një hap i tillë, bile projektin me bë. E pastaj me kërkuar zgjidhje për për këtë projekt. Një investim është paraparë në fshatin Nashec, tek pushimoret, ju lutem kolegë kuvendarë të rinj, përcillni mirë. Ndërtimi i shtëpisë emergjente për mbrojtjen e fëmijëve në Nashec. Kodi 53610. 190.000 euro këtë vit, në 2026 me i nda. 230.000 euro në 2027, 150.000 euro në 2028, diku 570.000 euro. 570.000 euro janë para për tri vite. Kush nuk e di ku është pushimorja e Nashecit, unë ju tregoj. Ju si fëmijë kush janë të rinj, kanë shkuar atje. Po po flas prej pas luftës. Nuk di edhe këto, po ekzistojnë edhe procesverbalet edhe fjalët. Sa herë e kam ngritur si çështje, mos u investu në atë vend. Ka investuar ish-ministria e mirëqenies sociale, e kam fjalën, ka qenë atëherë, zëvendës-ministër Gjergj Dedaj, kanë hyrë aty 2-3 milion, sa kanë hyrë tash, nuk po e di. Në fakt, gjëja se kanë hyrë, se aty s'ka hyrë asnjë send, veç i kanë shkatërruar. Pastaj e ka marrë shoqata miqtë e TMK-së për me pushuar fëmijët e dëshmorëve, nja dy-tre vjet. Edhe aty goxha do farë teknike ka sjellë një shoqatë, KFOR-i zvicerian. Ç'ka është më e keqja, kur janë avulluar aty, makina të pa përdorura. Apo do për lamje të teshave. Po që e kam cekur edhe këtu, ka qenë një gjenerator që me kran tash s'po di qysh me i thënë asaj me vilushk për me i ngrit, se ai nuk ishte ngritur ndryshe. Me u pas qu na krejt Nasheci skishim mund me ngrit prej aty. S'është aty! Pastaj erdhi kryetar Mytaher Haskuka, edhe e bëni karantinë. Unë nuk kam reaguuar atëherë si kuvendar. Mos investoni se nuk ka nevojë. Se boll kanë investuar. E zunën atëherë koxha më banën disa si po çoj pluhur e po kundërshtoj, e jo humanitare. Aty ish kanë pyetja dikush me ti grah mirë. S'ka nevojë me u kullit këtu, po ngoni çfarë po flas se për ju të rinjtë vlen kjo. Edhe aty mirë u investu, goxha mirë. Erdh në pushtet Partia Demokratike. Kryetarin e kam lutur për gjak, mos investo. Prap kanë investuar. Tash çka doni me ndërtu aty me këto 570.000 euro, 190.000 këtë vit? Andaj mos e votoni këtë se ka me pas përgjegjësi dikush. Se këtu është duke shkuar mbulim pas mbulimit, keqpërdorimit edhe hajnit. Kam bërë dhe një kërkesë shumë herë për kanalizimin rruga Besim Shala. Drejtor, ajo lagje, lagja ... quhet pjesa më e madhe, ajo është lagja e jetës të zezë është ajo. Kanalizimi del përmbi rrugë, përmbi asfalt. Në ato gropat që ju mbushën, i fusin pumbën të dhe e gjuajnë në asfalt prej gropës, fliqësirë tash ta quaj atë. Kjo nuk është në rregull, shekulli 21 është. Me kerr kur të kalon një javë s'ti hiqet era kerrit. S'kanë ku të çojnë atë. Është goxha problem i madh ky. Ke qenë i njoftuar si drejtor i inspektoratit, po tash nuk e di sa jeni i njoftuar për këtë. Drejtorja e Arsimit ka paraparë renovimin e kulmit të shkollës Luigj Gurakuqi, në Nashec 45.000 euro. Unë e kam kërkuar me u ndërruar komplet. Renovimi ka pasur me u bërë 2024, hajde them 2025-ën po e ndërrojmë komplet, nuk e keni ndërruar, tash e keni lënë 2026-ën, prapë rinovim. Nuk pajtohem me këtë. Pastaj është parapa edhe ndërimi i kalldajave. Janë ndërruar këto kalldajat? Tash nuk po e dijmë pse kanë hyrë tash këtu. Këto i kemi ndërruar. E shumë të tjera kam, se po e shoh që ka filluar pak me humbë edhe durimin te kolegët këtu. Po një send po ju

them, 75 milionë euro që tha drejtori për vitin 2026 që janë ndarë në këtë projekt buxhet, që për mua nuk është projekt buxhet, i ndan në mënyrë lineare për të gjithë. Edhe me ju dhënë disave, të cilët kanë dorë, kush e merr vesh çka është kanë dorë, tërë këto pare, qytetari nuk besoj që ka me ju besuar. Edhe unë jo. Bashkimi Demokratik nuk ka me votuar këtë projekt. Për arsyet që i dhash shumë prej këtyre, edhe për mosbesimin e atyre që tërë të pare me ju dhënë në dorë, nuk di çka bëjnë. Faleminderit.

Simir Krasniqi (Kryesues): Faleminderit. E hapim debatin për anëtarët tjerë të kuvendit, kush do ta merr fjalën. Shqipe Shatri. Le të përgatitet Agim Muçaj.

Shqipe Shatri (LVV): Faleminderit i nderuar kryesues, zotëri Krasniqi. Përshëndetje të veçantë dhe për përfaqësuesin e drejtorisë së arsimit, zonjën Haxhere Gavazaj, kënaqësi sot që të kemi këtu. Të nderuar të pranishëm, për katër vite radhazi, Drejtoria Komunal e Arsimit e ka pasur të planifikuar si projekt kapital ndërtimin e sallës sportive në shkollën Mithat Frashri në Krajkë. Kjo ka qenë kërkesë e kamotshme e drejtorisë së shkollës, e nxënësve dhe e prindërve të këtij fshati. Sot po konstatoj se në propozim-buxhetin për vitin 2026 ky projekt nuk figuron fare në listën e investimeve kapitale. Një projekt pra që mbahet për katër vite radhazi në planifikim, nuk mund të zhduket kështu pa asnjë sqarim. Prandaj kërkoj që ky projekt të rikthehet menjëherë në listën e investimeve kapitale të vitit 2026 dhe të përcaktohet një afat i menjëhershëm. Singërisht, si mundet me u fshij një projekt i arsimit kështu pa transparencë? I nderuar kryetar zotëri Totaj, pse ndërtimi i një qerdhe publike në Has nuk është askund në buxhetin 2026? Kjo ka qenë kërkesë e kahershme e qytetarëve të Hasit dhe e imja në vazhdimësi nga ky kuvend. Pres që ndërtimi i një qerdhe publike singërisht të merret me seriozitet dhe të përfshihet menjëherë në planifikimet buxhetore 2026. Gjithashtu dua të ndalem edhe të një çështje tjetër, gjendja e shkollës në fshatin Dedaj të Hasit. Kjo shkollë prej kohësh ka mungesë investimesh dhe kushte jo të përshtatshme për nxënësit. Prandaj kërkoj të përfshihet në planifikimin e investimeve kapitale, rrethimi i shkollës, të planifikohet renovimi i plotë i objektit dhe ndërtimi i një terreni sportiv për nxënësit e kësaj shkolle. Krejt në fund fare me keqardhje them se në planifikimet buxhetore për vitin 2026, shumë fshatra të Hasit kanë mbetur jashtë planifikimeve për investime kapitale. Duke e lënë kështu edhe njëherë Hasin fatkeqësisht në harresë. Faleminderit për vëmendje dhe mos transparencë.

Simir Krasniqi (Kryesues): Faleminderit Shqipe, fjala për ju Agim Muçaj.

Agim Muçaj (AAK): Faleminderit kryesues, përshëndetje kryetar, ekzekutiv, të nderuar kolegë, media, qytetarë të nderuar. Unë dhe gjatë vitit të kaluar, gjatë dëgjimeve publike kam pasur vërejtje e mia dhe kërkesat e mia, mirëpo sigurisht edhe nuk janë marrë parasysh. Unë qysh edhe vitin e kaluar në dëgjimet publike ka potencuar se shumica e madhe e buxhetit është në vija të trasha dhe në nuk ka destinacion të një projekti të caktuar për shumën, vendin dhe se ku ka me u kry. Domethënë shumicën e rasteve ne nuk dimë se vetëm përmenden shifra, ato shifra për ne do të thotë janë të panjohura dhe për qytetarët gjithsesi janë të panjohura. Mirëpo këto sigurisht se ndoshta nuk kanë fuqi për t'i rregulluar. Kryetari i nderuar Totaj dhe i nderuar drejtor Islam Ukimeri. Ne e dimë që Korisha në zgjedhjet lokale ju ka nderuar dhe ju ka besuar me një sasi të

madhe të votave. Shumë mirë, me të vërtetë kanë pasur besim dhe ju kanë vlerësuar. Unë edhe gjatë mandatit të kaluar kam potencuar mbi dy herë këtu në këtë kuvend dhe në dëgjimet publike kam pasur një kërkesë të veçantë. Dhe ajo kërkesë është diçka shumë e rëndësishme për jetën njerëzore të gjithë banorët e fshatit Korish, çka do të thotë për ujin e pijes. E kam potencuar se shumë vite më herët nga komuna është filluar një projekt dhe i cili nuk ka përfunduar deri në fund asnjëherë. Dhe kam potencuar që përafërsisht me rreth 200.000 euro, Korisha mund ta rregullon problemin e ujit të pijes së paku për një dekadë apo për dy. Dhe kisha dashur që këtë vit sezonin e verës ta presëm me një stabilitet të ujit të pijes dhe ky është një mesazh nga Korisha që ngarkojnë gjatë këtij viti mundësisht, do të thotë se nuk është ndonjë shumë që nuk mund ta bëjë apo nuk mund ta tejkalojë kuvendi i komunës. Dhe me urgjencë kisha kërkuar që të hapet një kod apo të gjendet mënyra se si të rregullohet problemi i ujit të pijes, që të funksionalizohet bazena të lartë. Islam, ti shumë mirë je i njohur për këtë problem. Dhe pasi që je edhe vendas, nga banorët e Korishës, kërkojnë që gjatë sezonës së verës të kemi ujë mjaft, atëherë kur vjen edhe diaspora, na sigurisht nga thatësira humb fuqia e ujit të bazenit dhe rritet shpenzimi dhe konsumi i banorëve, kështu që e kisha kërkuar që me urgjencë së paku këtë kërkesë e kam veçantë pa u shtrë në kërkesat tjera edhe pse ka vrejtet e mia të mjaftueshme. Ju faleminderit.

Simir Krasniqi (Kryesues): Faleminderit Agim. Fjalën e ka Sevilya Hapçi. Le të përgatitet Petrit Hoxhaj.

Sevilya Hapçi (KDTP): Sayın Belediye Başkanı, Belediye Başkan yardımcıları, meclis Başkanı, Müdürlerimiz, meclis üyelerimiz, basın mensuplarımız ve bizleri izleyen değerli Prizrenli halkımız, hepimizi saygıyla selamlıyorum. KDTP meclis üyesi olarak bugünkü gündem ile ilgili 2 önerim ve bir sorum olacak. Öncelikle Türk toplumu için son derece önemli olan Türk Kültür Merkezi binası hakkında söze başlayacağım.

Hepimizin bildiği üzere, Türk Kültür Merkezi binamızın dış cephe ve yapısal inşaatı büyük ölçüde tamamlanmıştır. Bu aşamadan sonra binanın gerçek anlamda işlev kazanabilmesi için iç mekân düzenlemeleri, teknik donanımı ve kullanım altyapısının tamamlanması gerekmektedir. Ancak 2026 yılı bütçesinde Türk Kültür Merkezi için yalnızca 50.000 avro ayrılmıştır. Açıkça ifade etmek isterim ki; bu tutar, binanın iç yapısının tamamlanması için yeterli değildir. İç mekân çalışmaları: -elektrik ve aydınlatma sistemleri, ses düzenlemeler, sahne ve oturma alanları, ısıtma, havalandırma ve teknik altyapı gibi yüksek maliyetli ve uzmanlık gerektiren işleri kapsamaktadır. Bu kadar kapsamlı bir iç donanımın 50.000 avro ile tamamlanması mümkün değildir.

Burada şunu özellikle vurgulamak isterim: Türk Kültür Merkezi, sadece Türkler için değil, Prizrenimiz için, ençlerimiz için bir eğitim alanı, sanatçılarımız için bir üretim mekânı, derneklerimiz ve topluluklarımız için bir buluşma noktasıdır.

Bu nedenle, bu binayı yarım bırakmak Prizren'in kültürel geleceğini ertelemek anlamına gelir.

Bu gerekçelerle; 2026 yılı bütçesinde Kültür Merkezi için ayrılan 50.000 avroluk ödeneğin 200.000 avro artırılmasını, Sayın Belediye Başkanımızda Shaqir Totaj ve ilgili birimlerden yeniden değerlendirilmesini talep ediyorum. Bu artış, bir gider değil; Prizren'in kültürüne, gençliğine ve geleceğine yapılan bir yatırımdır. İkinci önerim ise Kamu hizmetlerinin 13. Noktasında yer alan

birçok mahalle ve yerleşimde taşlı yolların, kaldırımların ve meydanların restorasyon ve inşası için yeni projeye rr. Tirana mahallesinde (interex-galleria) kadar olan tretuvarların da restorasyonlarının eklenmesini talep ediyorum. Sorum: Subvansiyonlara ayrılan bütçede Üniversite öğrencilerine burslar yer alıyor mu? Yer alıyorsa bir artış var mı? Saygılarımla teşekkür ederim.

Simir Krasniqi (Kryesues): Faleminderit Sevilya, fjala për ju, Petrit Hoxhaj.

Petrit Hoxhaj (Guxo): Faleminderit kryesues, i nderuar kryetar, nënkryetar, të nderuar drejtor kuvendor, shoqëri civile, media dhe ju qytetarë të nderuar. Që sot secili prej neve kuvendarët kemi pranë buxhetin apo projekt buxhetin për vitin 2026-28, ku komuna ka paraparë investimete saja në qytetin e Prizrenit. Prej investimeve të reja janë të parapara me diku 38 kode buxhetore apo projekte të reja, por për habi apo për çudi nuk është parapër as te një fshat i i pjesës së Vrrinit. Nëse hyjmë, do thotë, i analizojmë secilën. Në Vermicë nuk ka asnjë investim i parapam. Në Shkoz, Dobrusht, Billush, Hoq, Poslisht, ku kryetari i vet i fshatit Poslisht është njëri prej kryetarëve më aktiv që ka marrë pjesë për secilin ftesë që është bërë nga Kuvendi dhe ka bërë kërkesa të ndryshme dhe për çudi nuk është e parapam me asnjë kërkesë për për fshatin Poslisht. Ndërsa për fshatin Zhur është i parapam me renovimi i shkollës së vjetër. Zhuri nuk e meriton, nuk e nuk i takon ta ketë një objekt të vjetër të shkollës sepse objekti i vjetër përpos që muret janë të plot myk dhe erë e keqe që i vjen brenda, për çdo një vjet ose dy vjet ndahen në buxhet për renovim të kësaj shkolle. Zhuri e meriton një shkollë më të mirë, një objekt më të pastër dhe më të ngrohtë për fëmijët e tyre. Po ashtu në fshatin Muradem kanë qenë të pranuar disa investime prej komunës, murin mbrojtës që është i domosdoshëm për të parandaluar ndonjë fatkeqësi natyrore që mund të ndodhë dhe nuk është sot në kodin buxhetor. Po ashtu në fshatin Kobaj është i paraparë me diku 250.000, mirëpo kjo është borxhi të cilët kompanitë e kanë lënë në gjendje të mjerueshme rrugët në brendësi të fshatit dhe të fshatit të vjetër Kobajit. Ndërsa ka dhe shumë fshatra të tjera të cilat nuk janë parapa, do thotë në kod dhe nuk mundet me dalë shefi i grupit të PDK-së me thënë që është një buxhet i përfshirë për të gjithë anët dhe fshatrat. Përkundrazi, është një buxhet i prerë me gërhër në të gjitha lokalitetet që i ka ky kuvend. Kaq për këtë buxhet dhe unë do të jem kundër këtij buxheti. Faleminderit.

Simir Krasniqi (Kryesues): Faleminderit Petrit. Fjalën e ka Eldi Abazi. Ne të përgatitet Zikreta Aliti.

Eldis Abazi:

Zikreta Aliti:

Simir Krasniqi (Kryesues): Fjala për ju, Mergiton Gavazaj.

Mergiton Gavazaj (LVV): Faleminderit kryesues. Përshëndetje për të gjithë. Dua të ndalem te propozim buxheti, te mënyra se si është trajtuar fshati Zhur. Në drejtorinë e shërbimeve publike, e cila drejtori me buxhetin më të madh në komunë, në këtë drejtori Zhuri është përfshirë vetëm në

disa punime, si rehabilitimi i rrugëve, rehabilitimi i kanalizimit dhe ujësjellësit, vendosja e ujëmbajtësve dhe shenjzimi horizontal dhe vertikal. Këto janë të nevojshme, por janë minimale për një fshat të madh si Zhuri. Në të njëjtën propozim buxheti Zhuri nuk është përmendur në projekte si rregullimi i mureve mbrojtëse, mbi mbajtja e ndriçimit publik, ku sot rreth 80% e fshatit është në errësi. Si dhe finalizimi i stadiumit të Zhurit, ku ka mbetur i papërfunduar. Po ashtu në drejtorinë e emergjencës dhe sigurisë, nuk është parashikuar funksionalizimi i brigadës së zjarrfikësve, edhe pse objekti është i gatshëm dhe do t'i shërbente të gjithë fshatarëve përreth. Në drejtorinë e kulturës mungon funksionalizimi dhe finalizimi i shtëpisë së kulturës, një objekt i rëndësishëm për jetën kulturore të fshatit, i cili vazhdon të mbetet jashtë vëmendjes buxhetore. Të gjitha këto tregojnë se Zhuri, nuk është trajtuar me seriozitet në këtë propozim buxhet. Faleminderit shumë.

Simir Krasniqi (Kryesues): Faleminderit. Fjala për ju zonja Nerimane.

Nerimane Pllana Gashi (LVV): Të nderuar të pranishëm dhe qytetarë të Prizrenit, desha të ndalem te Drejtoria e Shërbimeve Publike pika 24, ku ceket instalimi i ndriçimit publik për disa lagje të qytetit, e që lagjja Dardania nuk është përfshirë fare. Rruga Ukë Bytyçi nga rrethi i Bashdarhanës deri te rrethi i Tranzitit të ri paraqet vështirësi për lëvizje dhe jo siguri gjatë orëve të mbrëmjes. Mbi pesë shtylla i keni të dëmtuara. Ndërsa pjesa tjetër e shtyllave nuk funksionon fare. Si dhe brenda lagjes Dardania, vendosja dhe mirëmbajtja e ndriçimit adekuat do të ndikonte drejtpërdrejt në rritjen e sigurisë dhe cilësisë së jetës së banorëve të kësaj lagjeje. Mandej desha të kaloj te Drejtoria e Shëndetësisë, pika numër 7, ku theksohet instalimi dhe montimi i ngrohjes qendrore dhe klimatizimi eficient në objektet shëndetësore. Desha të di më konkretisht se për cilat objekte është fokusi. Dhe të bëj kërkesë që të futet edhe AMF-ja në Jaglenicë, pasi që ngrohja aty është shumë e dobët, ende bëhet me dru dhe me stufë. Te drejtoria e Kulturës, pika numër 11, ku ceket ndërtimi i parqeve rekreative në disa lagje të qytetit, e ndër këto dhe lagja Dardania është e përfshime. A mund të di më konkretisht për cilën pjesë të lagjes bëhet fjalë, çfarë hapësirash rekreative dhe sportive do të përfshihen, si dhe a do të kenë qasje personat me nevoja të veçanta? Ju faleminderit.

Simir Krasniqi (Kryesues): Faleminderit. Fjala për ju Sefidin Islamaj.

Sefidin Islamaj (BDP): Faleminderit zoti kryesues. Përshëndetje i nderuar kryetar i komunës zotëri Shaqir Totaj, të nderuar kolegë asambleistë, të nderuar bashkëqytetarë të Prizrenit, ju përshëndes me respekt. Na keni mbledhur sot për shqyrtimin e projekt buxhetit të komunës së Prizrenit që për mua në pamje të parë duket si punim seminarik i studentëve të vitit të parë në fakultetin ekonomik, sesa një projekt buxheti i detajuar se ku do të shkojnë paratë e qytetarëve të Prizrenit. I pa detajuar, i pandarë qartë edhe sipas llojit të financimit dhe kategorive të shpenzimeve, gjë e cila tregon dukshëm mungesën e profesionalizmit. Pse sot jam kundër këtij propozim buxheti. Në hyrje të këtij projekti buxheti, kryetari i drejtohet qytetarëve si projekt i zhvillimit ekonomik, ku sipas prioritetëve ju siguron dhe investitorëve ambient të sigurtë dhe tërheqës për investimet dhe ngritjen e mirëqenies sociale të qytetarëve të Prizrenit me 137 projekte.

Ama në këtë projekt buxhet, në asnjë pikë të tij nuk ka dhe nuk parasheh një plan-program në mënyrë që të përdoret për të tërhequr investitorët dhe për zhvillimin ekonomik. Tjetër, në këtë projekt buxhet përmend përmirësimin shpejt, i gjendjes ekonomike shoqërore të banorëve të komunës. Me cilin nga këto projekte që keni shënuar më sipër mund të arrihet kjo? Do isha lutur hartuesit të këtij projekti buxheti në foltore që do thotë që filan projekt këtu do të përmirësojë gjendjen ekonomike të qytetarëve të Prizrenit dhe cila pikë e këtij projekti buxheti ju mundëson qytetarëve të Prizrenit që në vitin 2026 të do kenë një ekonomi më të mirë? Sepse, nëse s'gaboj, në drejtorinë e zhvillimit ekonomik dhe turizmit, përkundër rritjes së buxhetit, meqënëse po pretendohet zhvillimi ekonomik, jemi rast unik që në buxhet është ulur krahasuar me atë paraprak, ku në vitin 2025 paska patur mbi 625.000 euro buxhet, kurse në atë që parashihet në vitin 2026 ka rënë 400.000 euro. Dhe është i mangët në drejtim të mirëqenjes sociale. A nuk janë rregullimi i mirëqenjes sociale, heqja e fëmijëve lypsarë nga semaforët? A nuk është rregullimi i mirëqenjes sociale, ata familje që jetojnë në zonat rurale, në fshatrat, ku për fëmijët e tyre për shkollimin e mesëm paguajnë bilete të autobusave deri në 2 euro, vetëm për një drejtim. A nuk përfshihet në politikën sociale banorët e fshatit Poslisht, të lagjes së re, quajtur lagje të mollat dhe atyre banorëve të Hoçës së Qytetit, të lagjes së Gashve dhe Bytyqve, që janë mbi 70 shtëpi, akoma me gropa septike, që kërkesën e tyre për ndërtimin e kanalizimit, për herë të parë pranë komunës e paskan dorëzuar në vitin 2018. Pastaj për herë të dytë në vitin 2022, prapë në vitin 2022, 2024 dhe nuk është futur në projekt buxhet të vitit 2026 dhe nuk parashihet as në vitin 2027 dhe në vitin 2028. A nuk përfshihet në politika dhe mirëqenies sociale të banorët e fshatit Billush, që për 25 vite rresht trokasin dyerve të komunës, organizatave dhe hidroregjionit jugor me kërkesë të vetme bazike ujin. Edhe ky projekt nuk është paraparë në vitin 2026 dhe nuk parashihet as në vitin 2027 dhe në atë të vitit 2028. Nuk është futur në këtë projekt buxhet as rruga që lidh Hoqen e Qytetit të vendit të ashtuquajtur Te kullat në drejtim të fshatit Poslisht që lidh me rrugën kryesore këto dy fshatra. Një projekt shumë i rëndësishëm sidomos për fshatin Poslisht do të kontribuojë në ngritjen e zhvillimit ekonomik, por dhe çasjen më të lehtë të vizitorëve të huaj dhe atyre lokalë që vijnë drejt Poslishtit. Si mundet një nga sektorët më të rëndësishme të zhvillimit ekonomik të qytetit, drejtorisë së bujqësisë, i ndahen vetëm 400.000 euro, ku ka vetëm katër (4) projekte të paraparura në këtë projekt buxhet. Dy prej të cilave nuk lidhen fare me drejtorinë e bujqësisë. Për shembull, ndërtimi i strejmore për qent endacak, ç'ka të bëjë me çfarë ka të bëjë ky projekt me bujqësinë. Ky projekt, ku më përpara duhet të trajtoheshin, qentë endacak nga drejtoria e shërbimeve publike për nga problematika. Do kisha pasur dëshirë që pas meje të merrte fjalën drejtori i bujqësisë, të na thotë çfarë objektiva drejtoria e bujqësisë do të ketë në vitin 2026, me 400.000 euro buxhet, ku në komunën e Prizrenit janë të regjistruar 1.300 fermerë. Si ka mundësi që të votohet një buxhet prej 137 projekteve të propozuar, ku në këtë projekt buxhet 18 prej tyre në këtë listë nuk ndahet asnjë cent në vitin 2026. Si mund të votohet një buxhet, ku si kategori e ndarjes së buxheteve që na është propozuar, që na ka ardhur materiali edhe neve, janë propozuar 5.521.000 euro si kategori vetëm subvencione dhe nuk ceket se si dhe ku do të ndahen këto subvencione. Si mund të besohet një buxhet prej 2.500.000 euro një drejtuesi të një drejtorie që pritet të përballet përpara organeve të drejtësisë për manipulim të votave. Pastaj, në drejtorinë e emergjencave nuk parashihet një

buxhet i ndarë enkas për fatkeqësi. Si duhet t'i kompensojmë këto familje që janë prekur nga vërshimet e fundit? Unë si asambleist i Bashkimit Demokratik bazuar në këto fakte që përmenda më sipër dhe në ndarjen e padrejtë të buxhetit, nuk kam asnjë arsye t'i besoj këtë buxhet. Një subjekti që së bashku me partnerët e koalicionit tyre kanë manipuluar vullnetin e qytetarëve. Ju faleminderit.

Simir Krasniqi (Kryesues): Faleminderit. Fjalën e ka Selman Sokoli.

Selman Sokolaj (LVV): Faleminderit kryesues. Para se me hy te çështja e buxhetit, sinqerisht po mungon edhe një burrë aty në krahun tuaj të majtë kryesues, edhe të kompletohet ky mozaiku i burrave në rendin e parë Qysh ka thënë lideri juaj, nuk e di, ka ju më special kështu me gota me qelq, këta të tjerët e të gjithë ne me gota të plastikës. Po kjo po tregon edhe njëherë për mendësinë e qeverisjes së kryetarit Totaj, e cila është shprehur kështu në mënyrë brutale në emërimin e drejtorëve dhe drejtoreshave nëse mundemi me gjet aty këtu. Tash po hyj te buxheti. Pra, ky buxhet që sot na paraqitet nuk është buxhet në shërbim të qytetarëve, por buxhet i klaneve dhe grupeve të interesit. Është një dokument që reflekton keqplanifikim, keqklasifikim dhe vazhdimësi të drejtpërdrejtë të keq qeverisjes së katërvjeçarit të kaluar nga Partia në Pushtet dhe kryetari Shaqir Totaj. Ky buxhet nuk bazohet në një vizion zhvillimor, as në planet të qarta e projekte të mirëfillta. Përkundrazi kemi punë pa plan, projektet e nisura të lënë përgjysmë, investimet të koduara jo për zhvillim, por për të mbuluar borxhet ose me saktë fajdet në të cilat na ka futur komuna e Prizrenit e udhëhequr nga Shaqir Totaj, neve këtu dhe të gjithë qytetarët e komunës e Prizrenit si taksapagues. Ky buxhet përveç të tjerash i anashkalon edhe sektorët më të rëndësishëm duke ndarë shuma qesharake, për shembull, për bujqësinë, shëndetësinë, turizmin, zhvillimin ekonomik dhe çështjet sociale. Mirëpo kjo nuk është rastësi. Ajo dëshmon paaftësi serioze në planifikim dhe menaxhim financiar, si dhe një kaos të plotë në qeverisjen buxhetore. Dhe kjo paaftësi nuk është e re. Kjo paaftësi ka shkaktuar miliona euro borxhe. E njëjta qasje e Shaqir Totajt është parë edhe më herët gjatë angazhimit e tij në ATK, Administratën tatimore të Kosovës, ku performanca në mbledhjen e të hyrave sa ky ka qenë aty drejtor, ka qenë shumë e dobët. Kjo është parë edhe në klubin basketbollistik Bashkimi, ku janë lënë borxhe të konsiderueshme që kanë lënë pasoja afatgjate për atë klub. Pra, ajo që sot ne kemi para vetes, është vetëm një konfirmim i paaftësisë menaxheriale, tashmë e dëshmuar, e cila sot po i kushton drejtpërdrejtë qytetit dhe qytetarëve të komunës së Prizrenit. Totaj iki, sigurisht avazi i vjetër, nuk ka durim a guxim a si ta quajmë me ndenjtë në seancë, kjo tregon dobësinë e tij si kryetar, si pushtetar. Mirëpo unë kështu po e pyes publikisht mbase na shikon në televizion ose shikon më vonë, çka ka ky person me Gjonajt? Sinqerisht nuk e kuptoj çka ja ka marrë inati Gjonajt. Ka pesë vite që flitet për rrugën e Gjonajt dhe prapë në këtë buxhet rruga e Gjonajt nuk është e planifikuar në një kod që tregon qartë projekt, mjete të ndara edhe fillim të punimeve për rehabilitim total të asaj rruge për shkak që siç jemi tashmë dëshmitarë, siç jemi në dijeni të gjithë, ajo rrugë është në gjendje të mjerueshme. Në këtë buxhet është paraparë edhe ndërtimi i stadiumit në Gjonaj. A nuk e keni prerë shiritin e atij stadiumi? Mbase aq sa e dinë qytetarët e komunës së Prizrenit bashkë me ish-kryetarin e ish-deputetin, tashmë as kryetar, as deputet, Memli Krasniqin, ju e keni prerë

shiritin, Shaqir Totaj me drejtorët e tij, me partiak, bashkëpartiakët e tij, e ka prerë shiritin e stadiumit në Gjonaj. Tash po del se paskan harruar diçka, paskan harruar me ndërtuar shkallët, ulëset. Mbase mbas katër viteve me vazhder ky avazi i duhen dekada të tona me kompletu një projekt që kishte mundur me qenë shumë projekt i thjeshtë, nëse ishte planifikuar mirë edhe nëse ishin ndarë mjetet e nevojshme në një periudhë kohore që parashihet qartë dhe që e parasheh atë projekt në detaje. E kemi një përrua në Romajnë. Auditori ka gjetur shkelje në atë projekt. Janë ndarë pak mjete në vitet e mëhershme, kosto është shumë e lartë. As ai përrua që është ndërtuar për 4 vite 300 m, as 100 m për një vit, edhe aty është një shtyllë e tensionit të lartë e cila po rrezikohet për shkak të gërmimeve që i ka bërë komuna Prizrenit dhe drejtori i shërbimeve publike duhet me qenë vigjilent për shkak se aty edhe kryetari i komunës së Prizrenit si zyrtar kryesor administrativ, i cili është përgjegjës për mbarëvajtjen e punëve dhe zbatimin e ligjshmërisë në komunën Prizrenit, duhet me qenë vigjilent, edhe kështu publikisht po ja tërheq vërejtjen se nëse ndodh aty një fatkeqësi, nëse atyre banorëve i ndodh një fatkeqësi për shkak se shtylla e tensionit të lartë, është e rrezikuar për shkak të gërmimeve, po e them edhe një herë, atëherë ju do të jepni llogari para qytetarëve politike po se po, mirëpo edhe para ligjit për neglizhencë edhe mosveprim. E kemi edhe stadiumin Has Arena. Kur keni ardhur në pushtet në vitin 2021, keni premtuar që do ta përfundoni brenda tri viteve. Ashtu në kornizën afatmesme buxhetore 2022-2025, keni premtuar këtu që do t'i ndani secilin vit nga 1 milion euro dhe në vitin 2025 ai projekt do të jetë i harruar. Aty ka vetëm kubëza edhe asfalt apo beton. Sigurisht aty duket që më shumë është një projekt i shërbimeve publike, se i drejtorisë së sporteve. Edhe aty keni vazhduar prapë me ndarje qesharake të buxheteve. Domethënë, kryesus të gjitha këto që i ceka më lart, janë improvizime të komunës së Prizrenit, e udhëhequr nga Partia Demokratike dhe kryetari Shaqir Totaj. Kështu që ne nuk kemi arsye as më të vogël që ta mbështesim dhe ta votojmë këtë buxhet. Faleminderit.

Simir Krasniqi (Kryesues): Faleminderit. Fjalën e ka Alban Bislimaj. Ne të përgatitet Ilir Gashi.

Alban Bislimaj (PDK): Faleminderit kryesues, të nderuar nënkryetar, ekzekutiv, kuvendar, qytetar, media. Andaj për dallim për kolegët që morën fjalën deri më tani, të gjithë patën kundërshtimin në lidhjen me buxhetin, unë e kam të kundërtën. Më la përshtypje një koleg kuvendar i cili foli, pasi veç po folim secili për regjionin e vet. Ai po fol për Hasin, për Vrrinin. Më la përshtypje Petriti që foli për projektet e Kobajt të Vllashës. Veç ndoshta ta informoj domethënë opinionin që nuk është ashtu qysh po flet Petriti, pasi që Kobaj e ka një projekt në vazhdimësi është 250.000 euro dhe ai projekt ka qenë vitit të kaluar dhe ai ka qenë diku 335.000 euro dhe janë të përfshira të gjitha rrugët e fshatit. Domethënë nuk ka rrugë që s'është e përfshirë. Ndriçimi është kryer, përmendi edhe rrugën për Kobajn e Vjetër. Ai projekt domethënëdo të shkon me projektin korniz, pasi që kompania e cila ka qenë është ndërpreh kontrata për disa arsye. Edhe ai projekt domethënë do të shkon në projekt korniz, ka mbetur domethënë veç shtresa e asfaltit. Përndryshe edhe Vllashnja unë shoh që ka projekte aty, ka kanalizim, ka ujësjellës. Është e parapanë që në ato fshatra të bëhet edhe sinjalizimi horizontal, pasi që vitin e kaluar ka qenë i parapanë qyteti, tash po shoh që shumë sinjalizime do të bëhen edhe nëpër fshatra. Kaq kisha domethënë një reagim, një keqinformim që ju bëhet qytetarëve, unë dashta me reagu që nuk është

ashtu, sepse jo çdokush e këqyr projektin, po i këqyr këto videot edhe mendon që është e saktë ajo që thotë kolegu kuvendar. Faleminderit shumë.

Simir Krasniqi (Kryesues): Faleminderit Alban. Fjala për ju Ilir Gashi.

Ilir Gashi (LVV): Faleminderit zotëri kryesues. Para se t'ia nisi do të ishte mirë ndoshta Graniti apo dikush me thirr kryetarin me ardh me u kthy në vend të vetin. Fundi i fundit është një seancë e thirrur prej kryetarit. Ja ku e kemi letrën, është kërkesë dhe thirrje, ftesë prej kryetarit që kuvendarët takohen në një seancë të jashtëzakonshme për me trajtuar këtë dokument që e ka përpiluar vetë kryetari, që është dokumenti më i rëndësishëm i komunës që duhet me u votuar nga ky kuvend, nga këta anëtarë, e tash vetë me ik. Mos ti thell tash me analizuar karakterin e s'di çka tjetër, le t'i mbetet nder atij, ai qysh mendon, po aspak nuk është në rregull që me e bë këtë send. Si kryetar i komunës, ai do të duhej të dilte në foltore, ta bënte një ekspozitë edhe me tregu, ja, ky është buxhet komunal, paraja publike, që unë me ekipin tim e kemi hartuar, edhe me treguar, për katër vite është punuar kjo, kemi ardhur në këtë pikë, ndërsa për katër vitet e ardhshme me këtë buxhet nga pika A do të mbrijmë në pikën B dhe jeta e qytetarëve do të bëhet më e mirë, më komode, do të kemi zhvillim andej, e do të kemi zhvillim këndeje dhe të na bëjnë neve që ta votojmë këtë dokument. Po mbas ai nuk e murrë fjalën edhe duke e parë se qysh janë klasifikuar këto projekte, lind një dyshim që kryetari nuk ka aspak dorë në këtë buxhet. Sepse për me pasur dorë duhet me pasur vizion. Ai nuk ka vizion. Ai nuk ka pasur as premtime gjatë fushatës elektorale. Me gjasë, ky është fontanë dëshirash të pazareve politike që kanë bërë me grupacione të ndryshme të interesit. E kur dalin fituesit e tenderave, atëherë marrin vesh se cili projekt kujt i shërben këtu. Klasifikimi, emërtimi i projekteve është shumë i paqartë. Po filloj nga e para, projekte ambientale në qytet. Çka i bjen projekt ambiental? Presim përgjigje pastaj prej drejtorit. Ndërtimi i rrugës tranzitore numër 14, numër rendor. Kryqëzimi me autostradën në Prizren, projekt dy vjeçar shpronësimi i tokave. Shumë e paqartë. Shiko, po thotë projekt dyvjeçar, për këtë vit janë ndarë 100.000 euro, po për vitin që vjen 0 euro, për vitin e tretë 200.000 euro. Ku është logjika që është projekt dyvjeçar? Ndërtimi i infrastrukturës në Tusuz, shpronësimi i tokave, për çfarë lloj ndërtim infrastrukturor do të jetë? A janë rrugë, a janë objekte, çka janë? Çka do të shpronësohet? Prona private, për çfarë qëllime, çka janë këto shuma, a janë mjaftueshme do të thotë, për çfarë sipërfaqe do të bëhet shpronësim? Drejtor, nuk po të ngushtojmë me definicione, çka është rehabilitim dhe revitalizim i hapësirave publike në zonën e parë të mbrojtur në pjesën e vjetër të qytetit. Ky emërtim është ndërruar për zonën e mbrojtur, nuk është më. Është qendër historike. Restaurimi i shesheve dhe objekteve. Sa sheshe janë aty në qendrën historike? A mundesh me i numëruar? Sa sheshe janë? Cilat kanë me u restauruar edhe cilat objekte? Veç t'ju përkujtoj se me 2014-ën është investuar minimum 500-600.000 euro në sheshin e lidhjes. E tash i nda mbi 3.000.000 për sheshin Shadërvan. Ku do të investoni më këto pare? Ku e keni paraqitur këtë projekt më së pari njëherë? Katër vite jemi kemi qenë zhytur në në terr. Dardania, Bajram Curi, Arbana, Jeta e Re, Bashdarhanja. E tash keni nda buxhet vetëm për këtë vit 685.000 euro, ndërsa për dy vitet e ardhshme edhe 2.1 milion euro. Instalimi i ndriçimit. A thua aty nuk ka fare ndriçim që keni me instaluar tash, apo ekziston, keni me bë ndonjë ndryshim? Nëse është ndryshim, pse kjo shumë

kaq marramense? Vetëm vitin e kaluar i keni ngjyrosur që ato shtylla elektrike që s'kanë bërë dritë, po janë ngjyrosur. E sivjet, çka planifikoni me bërë? Edhe për vitin e ardhshëm, edhe mbas saj. 2.8 milionë euro i keni nda për tre vite. Teleferiku e përmendën, 10.000 euro. A janë për projekt? Hartimin e projektit? A janë për studim fizibiliteti? Këto shuma të tjera janë shumë minimale për dy vitet e ardhshme. Cila është dinamika e punimeve? Qysh mendoni me e përfundu? Apo vetëm me i hedh pluhur syve të popullit, me krijuar përshtypje se po punon diçka. Në turizëm, drejtor, Prizreni që mburremi se është qyteti i turizmit dhe turizmi po kthehet në një industri për gjenerimin, për zhvillim ekonomik, i keni ndarë vetëm 400.000 euro edhe shikoni cilat projekte i keni ndarë 400.000 euro. Me ato projekte, çfarë zhvillimi mund të arrijmë? Asnjë projekt për promovimin e turizmit, për masovizimin, për ngritjen e kapaciteteve, asnjë projekt për rritjen e turistëve dhe rritjen e netëve që ata duhet t'i kalojnë sa më shumë këtu. Qëllimi kryesor të turistit është me pru turistin edhe me e mbajtë sa më gjatë. Asnjë projekt në atë drejtim, ndërsa mburremi se jemi qytet i turizmit dhe kemi shpresa për zhvillim ekonomik nga industria e turizmit. Në drejtorinë e arsimit është një projekt. Dixhitalizimi i sistemit të institucioneve arsimore në shkollat, dy pika dhe vazhdon Emin Duraku, Mati Logoroci e të plotë të tjerë. Çka i bjen kjo? A mund dikush me përkthi në gjuhën tonë të kuptueshme? Shiko, digjitalizimi i sistemit të institucioneve arsimore në shkollat. Çka është shkolla, çka është institucioni arsimor? A kanë dallim mes veti? Çfarë doni me me digjitalizu? Cilin sistem? Sistemin e menaxhimit të stafit, sistemin e menaxhimit të vlerësimit të nxënësve, sistemin e menaxhimit të inventarit, apo ka ndonjë sistem diçka tjetër? Apo mos ndoshta e pashë që në drejtori të arsimit nuk kishit parapa projekte të kota që një zotëri i njohur për trika i fitonte çdo vjet, mos eventualisht edhe këtu ka gisht trikaxhiu, 120.000 euro, sa ishin ndame, për dy vite gati 200.000 e kusur euro. Veç po më lindë dyshimet nga e kaluara. Edhe disa projekte ishin të paqarta në drejtorinë e Kulturës, ishin këto hapësirat rekreative Bashdarhane te katër kullat. Ku ka aty hapësirë, cila hapësirë është komunale, publike, që ju doni me bërë qendër rekreative, kur përballë vetëm 100 m tutje është qendra sportive me të gjitha hapësirat përcjellëse dhe të mjaftueshme. Vendosja e tribunave teleskopike në qendrën sportive, qendra sportive është një kompleks i madh. Ku mendoni ato me i vendos, në cilën sallë, për çfarë lloj eventesh do të përdoren, apo mos vallë edhe këto projekte janë me porosi që pastaj individë dhe kompani të caktuara të fitojnë tender për pajisje që kurrë apo për investime që kurrë nuk na hyjnë në punë. Faleminderit për dëgjim.

Simir Krasniqi (Kryesues): Faleminderit Ilir, fjala për ju Karanfil Haxhillari.

Karanfil Haxhillari (LVV): Faleminderit kryesues, të nderuar koleg kuvendar, qytetar të dashur të Prizrenit. Kryesues paraprakisht e kam një vërejtje sepse në çdo seancë paraprakisht, pavarësisht që është seancë e jashtëzakonshme, hedhet në votim pika e rendit të ditës, ku kuvendarët e votojnë si pikë të rendit të ditës. Kësaj radhe nuk u hodh në votim. Dhe tani po kalojmë në diskutimin për buxhet. Ky buxhet i cili po na prezantohet sot është 100% i njëjtë sikurse buxheti i cili na u prezantua në shtator të vitit 2025, ku aso kohe i njëjti buxhet nuk i pat votat edhe korumin, kurse sot për të njëjtin buxhet bëhet thirrje për votim. Le të mbetet tek qytetarët e Prizrenit me vlerësu. Në bazë të pasqyrës kodeve buxhetore gjithsej i kemi 137 kode buxhetore, vetëm 36 janë projekte

të reja. Pra të gjithë të tjerat janë vazhdimësi të kodeve buxhetore. Dhe nga 16 kode buxhetore në vitin 2026, po për këtë vit janë zero euro të ndame. Pra ky buxhet i cili po na prezantohet na bjen që u tha janë 9 milionë borxhe e që aspak nuk është e vërtetë. Besoj që ja keni heq një zero e janë 90 milionë euro borxhe. E që ky keq planifikim dhe keq klasifikim i këtij buxheti, jam i sigurt që do ta thelloj borxhin e komunës së Prizrenit edhe ashtu nga këto taksapagues të cilët po kontribuojnë dhe nuk po ja shohin hajrin në asnjë moment. Po dua t'i cekim, neve e kemi pasur edhe në kornizën afatmesme buxhetore dhe po dua tatash të flas për komunitetin që e përfaqësoj. Ka qenë kodi buxhetor ndërtimi i rrugës Struzh-Qafë Kushnini. Dhe ai kod buxhetor ka filluar punën dhe është shtruar 1.2 km, por që kanë mbetur edhe 8 km të tjerë pa shtruar. Dhe që tani më nuk parashihet në asnjë kod buxhetor, pra është hequr fare si projekt ky kod buxhetor rruga Struzh-Stanet e Struzhës. Po ashtu në lagjen Petrov. Sikurse katër vitet e kaluara me zero cent edhe katër vitet të tjera, të nderuar Petrovali, po ashtu zero cent do të jetë nga kjo qeverisje. Në të gjitha kodet buxhetore shihet qartë se nuk është përfshirë as edhe një premtim elektoral, qoftë i kaluar para katër vite, por edhe ndonjë aty këtu, sepse u tha që s'ka pas premtime, që i bjen që edhe për katër vitet të ardhshme do të jetë avazi i vjetër. Të nderuar qytetarë të komunës së Prizrenit, ky buxhet është thjesht një buxhet për interesa të ngushta, klanore, ky buxhet nuk parasheh zhvillimin e komunës së Prizrenit, ky buxhet thjesht është kopje paste i buxhetit të vitit të kaluar, por që i ka ra hise drejtorave të cilët tashmë të rinj a do të mundën me i realizuar apo jo dhe sipas kësaj e po e potencoj që borxhi do të jetë edhe më lart. Edhe në fund, 75 milionë euro buxhet t'i besohet disa drejtorëve të ekzekutivit, të cilët në zgjedhjet e fundit me mijëra vota tjetërsuan vullnetin qytetar, imagjinoni se çfarë do të bëjnë me këtë buxhet për katër vitet e ardhshme. Deri tash, po vlojnë rrjetet sociale se çfarë po ndodh në komunën e Prizrenit dhe deri tash asnjani nuk e merr përgjegjësinë, bile edhe s'paska ardhur një zonjë e nderuar, për me dhënë përgjegjësi për të gjithë këtë kaos të cilën është krijuar në komunën e Prizrenit. Faleminderit.

Simir Krasniqi (Kryesues): Faleminderit. Ka diskutues të tjerë? Petrit fjala për ju është.

Petrit Hoxhaj (Guxo): Kryesues, mu përmend emri, nuk e mora menjëherë, shkak për hirë të respektit të kuvendarëve të tjerë që ta përfundojnë. Zotëri Albani e përmendi që ka investime edhe në fshatin Kobaj. Është e vërtetë që kanë filluar. Mirëpo shumë është interesant që çështja e asfaltit të Kobit të vjetër, qysh ka mbetur në gjysmë dhe ky projekt lyp hetim, sepse ka filluar gabimisht keq dhe ka përfunduar keq. Qëkjo është esenca që mos t'i bëjmë projektet pa mjete financiare, pa kode buxhetare. Ndërsa ndriçimi publik e përmendi, mirëpo mos t'ia bëjmë prapë sikur në kohën e Enver Hoxhës që është vendosur një dritë në një fshat dhe është ndriçuar fshati. Ka pjesë shumë të fshatit Kobani të cilët janë në terr dhe lyp mbi investime të më tutjeshme. Deshte apo s'deshte si Albani dhe Tefiki, unë jam kryetar i këtyre dyve, kështu që duhet me pas mirëkuptim. Faleminderit.

Simir Krasniqi (Kryesues): Faleminderit Petrit, fjalën e ka Albani.

Alban Bislimaj (PDK): Masi ma përmendi emrin edhe njëherë po ndërlidhena. Kështu që ky po i di sendet më mirë se unë që banoj aty. Dhe ky mund të jetë kryetar, por unë jam banor i Kobajt.

Normalisht që ndriçimi publik ka me vazhdu, sepse janë disa lagje apo disa shtëpi që s'kanë shtylla elektrike dhe aty tash do të jetë një projekt tjetër që të vendosen shtylla, përndryshe aty ku ka pasur shtyllë të rrymës, domethënë aty gjithmonë është vendosur edhe ndriçimi publik. Unë e përmenda dhe parës për Kobajn e Vjetër është në kornizë, kontratë kornizë, kështu që edhe ajo punë ka me kryer, ti merre me votime, çka duash bën veç kjo punë ka me kry.

Simir Krasniqi (Kryesues): Faleminderit Alban. Kemi diskutime tjera nga anëtarët e kuvendit. Po fjala për ju Arianit Berisha.

Arianit Berisha (PDK): Fillimisht kam pranuar një kërkesë nga udhëheqësi i shërbimeve publike për disa ndryshime brenda pozicioneve, ata janë kompetent për këtë çështje edhe besoj që domethënë nuk i kalon kufijtë e drejtorisë, nuk i kalon kufijtë e kodeve, por janë vetëm ndryshime brenda pozicioneve. Këtë kërkesë të shkruar do ta dorëzoj posa ta përfundoj fjalën kryesues. Dhe meqënëse edhe mua më është përmend emri, fatmirësisht në demokraci se cili kemi të drejtë me e thënë mendimin tonë, unë s'paska të drejtë me thënë që buxheti është i mirë, por koha ka me treguar që buxheti është i mirë, madje pikërisht kolegu që më ka përmendur emrin, ka me u lavduar me këto projekte, po jo në asamble, në facebook, mirëpo ne duhet me qenë të njëjtë edhe në asamble, edhe në facebook, edhe në jetë, edhe me qytetarët. Ndërsa për të gjithë kuvendarët e opozitës që preokupim shumica prej tyre i kanë borxhet. Në një anë i kanë preokupim borxhet, ndërsa në anën tjetër nuk duan me kuptuar që në këto projekte janë të përfshira ato borxhe. Gjatë gjithë fushatës na kanë akuzuar që s'kemi punuar, sot na akuzojnë që i kemi rritur borxhet, që i bjen është bëra punë e madhe, janë bërë projekte të mëdhaja. Në mbledhjen e kalume u tha që pse nuk po përgjigjen drejtorët kur të gjitha pyetjet ishin nevoja të qytetarëve për këto projekte, këto shkolla, këto qerdhe, këto kanalizime, këto drita. A janë këto projekte dhe a janë këto nevoja të qytetarëve? Këtë pyetje besoj që duhet t'ia bëni veten dhe nëse e keni preokupim qytetarin, atëherë duheni me votu këtë buxhet se po i lëmë pa asnjë shërbim nëse s'e kalojmë këtë buxhet. Është një obsesion me u marrë me kryetarin Totaj, me e përmend vazhdimisht, por zgjedhjet janë kryer bre! Me këtë qasje të juajen, ju fatkeqësisht jeni zvogëlu si parti. Edhe unë mendoj që ju duheni me pas një qasje, me ardh me projekte konkrete e jo me retorikë boshe dhe ato projekte unë do të jem i pari që do t'ju votoj. Mirëpo po vazhdon kjo qasje e njëjtë, ndoshta në aspektin politik na konvenon, mirëpo qytetarëve të Prizrenit kjo qasje e juaja nuk i konvenon. Faleminderit.

Simir Krasniqi (Kryesues): Faleminderit Arianit. S'ju ka përmendur emri Dafina, si shef i grupit atëherë mund ta jap fjalën.

Dafina Alishani (LVV): Emër nuk ka nevojë me përmendur sepse nëse drejtohet tek grupi i asambleistëve të Lëvizjes atëherë edhe neve na duhet me kthi një përgjigje. Pikë së pari opozita jemi ne, nëse nuk e dini. Epo mirë ne jemi opozita edhe në emër të opozitës tash ndëgjoni. Në një nuk e kuptova rekomandimin e shefit të grupit të PDK-së në emër të kujt dha një kërkesë. Apo i bie që as me grupin e PDK-së nuk keni diskutuar buxhetin e vitit të ardhshëm? Apo i bie? Po qysh jo? A s'po takoheni? Tash keni gjetur këtu me i dhënë rekomandimet e drejtorisë përkatëse me limite. E para. E dyta, ne këtu vazhdimisht kemi thënë se ka keq klasifikim, ka keq menaxhim edhe

kjo çdo vit na është treguar neve me shifra. Keni pasur buxhet të tmerrshëm, keni pasur mbetje të tmerrshme, ky kryetar i cili ka thënë që jam menaxher i hatashëm, ka pasur rekord të suficitit çdo vit. Diku u ankuar që ka kredi komuna ose ka një marrëveshje, diku është ankuar herë prej drejtorive, diku ka heshtur. Mu për këtë arsye unë po ju bëj edhe njëherë thirrje këtyre drejtorave. Mbas një viti qeky kryetar ka me hesht, ju keni me dhënë përgjegjësinë në këtë buxhet. Andaj sot e merrni personale ju që juve po ju akuzojmë, po besoni që shumë lehtë heq dorë PDK-ja kur është çështja me ik prej përgjegjësish. Normal që na e kritikojmë kryetarin Totaj. A e di pse? Se komplet ky ekzekutiv i raporton kryetarit. Komplet ky ekzekutiv duhet me me i tregu kryetarit çfarë planifikimi ka, çfarë objektiva ka, çfarë orientimi ka. Edhe komplet ky buxhet është orientim i kryetarit. Andaj normal që ne mirremi me kryetarin. Po problemi është që kryetari nuk po mirret me kuvendin. Nuk ka guxim me ndejt, me na dëgju. Nuk ka guxim as kritikave me ju kundërpërgjigj. Pse është kuvendi? Pse na bëni thirrje? Edhe pse po na mbledhni nëse njëmend nuk keni nevojë ju për kuvendin? Pavarësisht që i keni numrat. Kjo është arrogancë e pushtetit. Unë ju kam bë thirrje me seancën të parë, kam thënë, ju si drejtor të ri edhe si qeverisje e re, keni mundësi me bashkëpunu me legjislativin. Keni mundësi me pas gjithëpërfshirje. Tash nëse kryetari del prej sallës kur opozita e merr fjalën, me kë me u marr unë i nderuar? Nëse kryetari nuk përgjigjet në asnjë linje buxhetore me na tregu neve çfarë orientimi ka me pas ky qytet për katër vitet të ardhshme, ose për vitin e ardhshëm meqë po flitet buxheti. Nëse asnjë drejtor nuk ka asnjë sqarim për asnjë pyetje të asamblistëve. Asnjë kërkesë e cila është thirrë... qe prapë. A po shihni që me start ky kryetar e tregon qasjen ndaj legjislativit. Edhe për fund, rregullojeni atë karrikë se na tranojnë me atë zhurmë.

Simir Krasniqi (Kryesues): Përmbaju rregullores së Kuvendit.

Dafina Alishani (LVV): Po po rregullorja s'është respektuar sot tërë ditën. Tërë ditën nuk është respektuar minutazha. Sot mbasi po kritikoj tash kryetarin paskeni filluar avazin e vjetër me ndal fjalë kur kritikohet kryetari. Bëhuni bre më demokratik se jeni Partia Demokratike. Ndëgjoni kritikën, ka kohë që s'jemi takuar, proceduralisht e kemi mbajtur një seancë të kaluar, ndëgjoni kritikën, se qeky buxhet ka me ju hëngër kokën juve vitin e ardhshëm. Ky buxhet nuk duhet me u votuar. Ky buxhet nuk ka gjithëpërfshirje. Ky buxhet nuk i ka as bazën esenciale për mirëqënien e qytetarëve, të cilët shumë, edhe ju e dini shumë mirë që ka shumë mungesa. Është buxhet klientelist, Zoti ju ndihmoftë juve drejtorave të rinj që po ju japin këtë buxhet kështu. Uroj që nuk keni me dalë faqe zezë, po qysh po e shoh unë me këtë trend ju e dini shumë mirë, sidomos ish-kolegët tanë, e dinë shumë mirë çfarë linja buxhetore, cilët drejtorë ju kanë lënë. Domethënë, uroj mos të jeni kukull në ato pozita edhe uroj që sinqerisht dalni faqe bardhë. Ne si Lëvizje Vetëvendosje nuk marrim pjesë as në votim këtij buxheti. Kritikën tonë i kemi thënë. Arsyeja pse jemi në këtë takim është me informu qytetarët se çka bën kjo qeverisje me fillim të mandatit dhe çfarë orientimi ka kjo qeverisje. Urime juve që i pasket numrat edhe inshallah ja shihni hajrin këtij buxheti, por neve na keni këtu bashkë me kritikë, bashkë me monitorim të cilën e kemi obligim nga qytetarët e Prizrenit. Faleminderit.

Simir Krasniqi (Kryesues): Faleminderit. Vazhdojmë, kemi diskutime të tjera nga anëtarët e kuvendit? Po, Shukri Quni.

Shukri Quni (BDP): Faleminderit kryesues. Nuk është vetëm Vetëvendosja, opozita. Ne kemi grup parlamentar. Edhe secili ka parimet e veta edhe planet edhe ato që i ka paraqitur para elektoratit. Për atë kemi ardhur në këtu. Me kritiku, me kërkua me hy në projekt buxhet. Po unë, më i vjetër po e them atë, e di që keni respekt pjesa dërmuese, sidomos ju gjenerata e re, e ardhmja e shtetit. Që unë e besoj shumë në ju. Po e ndjej veten mirë që thashë jam në mesin e shumë të rinjëve. Po është mirë disa sugjerime. Po edhe vërejtje me marrë nuk është keq. Ju si kuvendar sidomos, që ju ka pruar qytetari, me e mbrojtë të drejtën e qytetarit. Jo të drejtat klanore ose grupore, se keni me u pendu. Pastaj ju drejtorët që keni marrë punë, ngarkesë, përgjegjësi. Se ne ju shohim krejtëm përballë, edhe kur ne flasim me ju qeshni me ironi, na të gjithë i shohim. Të jeni shumë të kujdesshëm. Edhe lëvizjet që i bëni me duar, se këtu kamera të gjitha na këqyrin. Të jeni shumë të kujdesshëm, po ju jap këshilla sikur me qenë.. po them nxënësia të mi, mos të them fëmijët të mi. Shumë të kujdesshëm me qenë. Andaj kryeni këtë detyrë që ju ka ka dhënë qytetari, me nder, me respekt. Dëgjoni kur flasim kuvendarët. Mos i nënçmoni se keni me mësu shumë prej tyre. Edhe kur nuk flasim nganjëherë mirë që s'po ja qëllojmë, ju keni me marrë mësim. Dëgjoni kërkesat e kuvendarëve që bëhen. Edhe ne kuvendarët, sidomos ju të rinjtë me qenë kombëngulës në kërkesat e juaja. Mos pajtohem me vendimet të cilat nuk janë në të mirë të qytetarit edhe e dini mirë që nuk është në interesin e qytetarit, kushdo qoftë. Hazizi është më i vjetër këtu, në kuvend, unë jam mandej. Unë s'jam pajtuar edhe me ish-kryetar përpara, mos hi tash me i cek se nuk është në rregull. E kam fjalën kur nuk e kanë pasur mirë. Edhe me kryesues qashtu, kryesues që je tash e kemi marrë këtë detyrë, ta kemi dhënë një votë, të kemi pasur edhe me një vakt shef të grupit. Ajo ana andej, që s'jam ulur unë asnjëherë, shumë shpejt, mos ta foli ndonjë fjalë pak me banal, por shumë shpejt koka aty ndryshon. Kur të ulin në ato karrige. Çdo vërejtje, sugjerime që i bën, i bën, ne i japim asnjë në interes personal. Për interes personal i kemi pasur mandatin e kaluar, e ceka dhe më herët, pse nuk është votuar qeky buxhet? Ata kuvendorë të cilët i futën.. edhe këtu tash mo të hyj, se i kam thënë shumë herë, ata i lënë baltë. Nuk ja votuan buxhetin. Ky buxhet s'ka pasur nevojë sot me ardhë këtu. Edhe ne me u ballafaqu me këta. Ky ka qenë dashur me u votue në shtator. As ju me pas këtë barrë, as ne si kuvendarë. Me u marrë me punë të tjera, kemi punë. E kështu që respektoni opozitën. Unë e shumë herë kam qenë edhe opozitë, brenda pozitës, kam kritikuar se kam pasur atë dert, prapë se kam, kam me dhënë kritika, vërejtje aty ku e shoh që nuk është duke shku në rregull. Andaj, mos se keni me pendu disa për disa veprime që keni me i bë. Sikurse që po ju shoh që jeni penduar në shumë raste. Ku jeni ju djem në atë anë andej, unë jam kanë i ulen. Para jush! Kur është themeluar ky kuvend. Djem dhe vajza në përgjithësi po flas. Nuk jam pajtuar me vendimet të cilat janë marrë vendime jo të drejta për qytetarët. Edhe për atë, koxha gati jam këtu. S'ka mundur me më thy asnjë interes i jemi personal. Prap s'ka me mund! Mbas i kam bërë këto vjet besoj që nuk lakmoj. Po mbroni, ngoni mirë çka po flasim kolegët këtu në falltore. Çka po kërkohet? Secili i kërkon ata edhe në çështje kombëtare mos harroni. Ky kuvend i ka rrënjët në gjak e kam përmendur shumë herë. Ky ka qenë, do ta përmendi prapë se këta të rinjtë nuk e kanë dëgjuar. A e dini çfarë ka qenë kjo? Kjo ka qenë shtëpia e armatës Jugosllavisë.

Kush se ka ditë. Më ka ra me përmend shumë herë me cek, se shtëpina e armatës Jugosllave e ka shndërruar profesor doktor Eqrem Kryeziu në kuvend me ardhë me folë ju këtu. Mos e keq përdorni. Qaty drejtorët veç një po e shoh dy që kanë qenë mandatin e kaluar. Po edhe këndej në asamble, nga kuvendi. Edhe këtu nuk janë kush e disa që kanë qenë mandatet e kaluara. Kryeni me nder se keni me u pendu, po ju tregoj. Ju të rinjët sidomos, mos bëhuni vegël, po mbroni votën e qytetarit ai qytetar që ju ka sjellë këtu. Jam ndër të parët që kam reaguuar me 1 janar vota ime, se shumë herë kam pas koxha do farë kritika. Unë më duket të fola për qetë që duhet me na ndëgjju. Unë shumë e dëgjoj, secili kur flet, kurse, kur nuk mundem dal jashtë. Koxha është qu pluhur, bile disa dhe u tallën, a gjete votën? Po po kam me gjetur. E kam gjetur. Vota është sendi më i besueshëm. Jo me ble, jo me vjedh, po ai që ta qet në zemër, mbroja sepse e ke obligim e mbrojtë atë. Edhe këtu jeni për me i mbrojtë interesat e qytetarëve. Qatë ditë që kanë me ju kryni punë juve. Ata kanë me ju mbajtë, kanë me thënë ju kemi në... Unë po ju tregoj që deri sot nuk ka arritur kush me mbajtë në... As e kam atë dert fare hiç. E di që pak dola prej temës, po kanë me ju vutë këto farë sugjerime. Faleminderit që ju dëgjuat.

Simir Krasniqi (Kryesues): Faleminderit. Atëherë vazhdojmë me përgjigjet e drejtorëve, ata që kanë përgjigje, që nuk kanë drejtorat, mund ta hedhim në votim. Mirë, atëherë e hedhim në votim.

Haziz Hodaj (LDK): Kryesues, më fal. Pata një propozim konkret. Po veç njëherë duhet të qaj propozimi e mandej buxheti mu aprovu.

Simir Krasniqi (Kryesues): Para se ta hedhim në votim me rekomandimet e shefit të grupit parlamentar për ndryshime të disa pozicioneve brenda për brenda buxhetit edhe kërkesa juaj rekomandimi juaj që të futet në buxhet. E hedhim në votim që të inkorporojmë pra në buxhet këto rekomandimet e juaja. Në sallë jemi 25. Kush është për? 20 për. Kundër? 5 kundër. Abstenim? Abstenim nuk ka. Atëherë futen në projektbuxhet këto propozimet e juaja që të inkorporohen në buxhetin e vitit 2026.

Atëherë, e hedhim në tërësi pra me propozimet e inkorporuara që u votuan këtu. Kush është për miratimin e buxhetit me ndryshimet e këtyre siç u votua më herët. 26 janë prezent. Për? 21 për. Kundër? 5 kundër. Abstenim nuk ka. Atëherë miratohet buxheti komunës së Prizrenit për 2026. Ju faleminderit për pjesëmarrjen dhe këtu e mbyllim seancën. Shihemi në seancat e radhës.



Kryesuesi i Kuvendit
Simir Krasniqi